

時局驚心棋失著。
年華彈指箭難留。
鐘聲斷續霜林晚。
半角斜陽古寺秋。

歲暮書感 丁巳年

年華堪惜又堪驚。
晦雨瀟風滿郡城。
歲暮帆歸情渺渺。
夜寒燈燼思榮榮。
人心險甚秦關阻。
世路難於蜀道行。
攪雪臨歧欲歸去。
不知何處是前程。

其二

似水流年歲又闌。
客懷怕聽雁聲寒。
關山路隔歸非易。
荆棘途多去更難。
月影引爲知己伴。
梅花閒與故人看。
年年慣作登樓賦。
滿目烽煙怯倚欄。

清明旅行

河山錦繡不堪誇。
客裏清明感物華。
村舍新煙榮綠柳。
郵亭宿雨碎梨花。
荒苔綠上題詩壁。
野杏紅藏賣酒家。
佳景年年堪一醉。
囊錢自有不須賒。

其二

冷節纔過百感生。
舒懷聊借踏青行。
梨花淡白晴飛蝶。
楊柳深青晚嘯鶯。
麥飯香陳殘照冷。
紙錢灰逐野風輕。
纍纍荒塚鹿題穴。
斷碣寒蕪獨愴情。

拜程璧光遺像有感

登太白樓

和古戰場

秋夜思親

壹百二十六

護法南來第一功。

登堂膜拜仰遺風。

窺留國史千秋白。

愁對江楠二月紅。

詭計竟成傷鬼賊。

前功未續泣英雄。

羨公聲譽榮無極。

異代馨香俎豆崇。

登太白樓

樓在香港山中

青洲遙望影悠悠。

（青洲是一小島適與太白樓相對）

立足高峯興自幽。

白日依山漁唱晚。

碧天如水雁驚秋。

雅談亭畔聞清吹。

小飲樓中聽細流。

滿目烽煙悲故國。

登臨俯瞰痛神州。

其二

路轉峰迴妙境連。

小休倚樹聽流泉。

雲封石上疑無地。

塵隔樓中別有天。

洗劍池邊（因山上亦有池塘）

風拂袂。

舉杯山徑月侵筵。

及時我輩宜行樂。

醉臥巖巖自是仙。

和古戰場

步原韻

鬼哭天陰日落聞。

故園萬里痛離羣。

即今此地留遺恨。

終右何人立大勳。

魂魄有知悲夜月。

江山無色黯寒雲。

年年冷食鴟啼處。

臘有殘碑倚暮曛。

秋夜思親